


大日本史

七十七

第一百八十四卷 將軍列傳
 足利尊氏
 第一百八十五卷 將軍列傳
 足利義詮
 第一百八十六卷 將軍列傳
 足利義滿

一	二	三	四	五	和書門
五〇	五二	五三	五八	二〇	
冊	架	函	號	類	

庫文閣		内閣文庫	
番號	和	20258	
冊數	150 (77)		
函號	138	105	
架	冊	一〇五	
架	冊	和歴五	



大日本史卷之一百八十四

淺草文庫

列傳第一百一十一

權中納言從三位源光圀 修

男權中納言從三位綱條 校

玄孫權中納言從三位治保重校

將軍六

足利尊氏

足利尊氏初名高氏

尊卑分脈稱又太郎太平記足利家

傳下野人也其先出自源義家義家生義國

義國長子義重為新田氏次義康為足利氏
 義康子義兼娶北條時政女生義氏義氏生
 泰氏泰氏生治部大輔賴氏亦皆北條氏之
 出也賴氏生式部丞家時家時生讚岐守貞
 氏貞氏亦北條氏外孫即尊氏父也分尊卑尊
 氏元應元年敘從五位下任治部大輔公卿補任
 元弘元年帝起兵討北條高時尊氏適遭父
 喪高時強起之往攻笠置赤坂尊氏黽俛赴
 之城陷而還及帝在船上山高時又使尊氏

與名越高家總軍西嚮尊氏會疾高時屢促
 之尊氏怒謂往年在憂服中彼不之恤反趣
 赴役今病如是又復見逼虐人一何至此取

諸異本太平記梅松論○按常樂記尊氏父
 貞氏元弘元年九月卒為確據而梅松論以

尊氏喪父係三年見行本太平記
 以居喪嬰病為一時之事皆誤矣始有歸順


之志初大父家時父貞氏以源氏胄胤忿為
 北條氏所裁制每有滅之之計而終不果難

平尊氏欲乘釁濟先人之志梅松
 記論即力疾而

起將拔族西行高時老臣長崎圓喜聞之謂

高時曰、足利氏源氏之宗、今行舉屬自隨、其
 意難測、何不使作誓書、留妻子為質、高時乃
 謂尊氏曰、東國安靖、無復可憂、君宜以室家
 遺託、留之鎌倉、且足利北條世為水魚、况君
 既與赤橋相州親結姻好、我何為容嫌疑、而
 時遭禍亂、人人相危、願作誓書、以定衆心、尊
 氏謀之、弟直義直義曰、要盟神所不享、今欲
 舉大義、討無道、小節何足顧、幼息竊衛、以家
 士、嫂氏附之相州、是又不足以為慮也、尊氏

然之、遺誓書于高時曰、軍事方棘、惡得以妻
 孥自隨、賤兒今留在此、即有不意、仰煩庇護、
 無根之言、豈足信哉、軍事以下據金勝院本高時大悅、
 設宴、贖尊氏以義家所建白旗、副以鞍馬鎧、
 刃曰、此旗君家累世重器、而二位禪尼傳我
 家者、今以遺君、尊氏心竊自喜焉、與直義及
 吉良上杉仁木細川今川荒川諸族、率兵三
 千發鎌倉、先名越高家到京師、太平記翌日、聞
 遣海老名季行于船上、行在乞歸順、毛利家本天正



本太 平記 詔報平賊之日賞依其請光明寺藏賜

季行以備中并原莊天正本太平記○按梅

得論肯軍至近江時高家踵至不知其謀時左

近衛中將源忠顯赤松則村攻六波羅六波

羅鎮將北條仲時北條時益迎後伏見花園

二上皇及光嚴院集兵禦之忠顯則村屯男

山山碕高家與尊氏刻期往攻之高家中矢

死太平記尊氏引兵到大原野張歛久之傍有

古刹名勝持寺大喜曰我將勝而持之天正本太

平記聞高家敗死乃轉至丹波篠村建旗於八

幡廟側柳樹始倡義參取太平論本國人久下

時重率兵先至其旗號書一番字尊氏召執

事高師直問之師直對曰昔右大將殿起義

杉山見彼祖重光先諸將而至謂之曰我若

得志其以汝為賞首自書一番字賜之因以


銘旗尊氏喜曰是我家興隆之兆也自是降

附相踵得二萬餘人乃率入京臨發禱廟薦

以隻矢直義以下將士各效之須臾積矢成

丘、行收降兵、又得三萬人、太平記比過大江山、
 有鳩翔于旗上、尊氏以為瑞也、命隨其所之、
 行軍、至神祇官故址而止、因陣焉、北條仲時
 北條時益發兵二萬來拒、尊氏與戰、敗之、遂
 與赤松則村、源忠顯、并兵圍六波羅、賊兵死
 守、尊氏用細川和氏議、闕圍一角、賊兵遂多
 出降、仲時時益奉光嚴院東奔、途皆敗死、六
 波羅平、參取太平記、梅松論即遣使於船上奏捷、車駕
 還京師、廢光嚴院、太平記尊氏以功為鎮守府

將軍進敘從四位下、任左兵衛督、聽內昇殿、
 尋敘從三位、兼武藏守、詔更今名、尊即偏諱、
 賜以寵之、公卿補任○太平記賜尊字是歲
在討北條時、今不取
 上野太守成良親王為東國管領、出鎮鎌倉、
 直義為執權、神皇正統記、太平記建武元年追
 論恢復之功、尊氏為第一、為武藏常陸下總
 守護、太平記敘正三位、拜參議、公卿補任時天下始
 定、政歸官家、朝臣方欲賴恢復、遽革國郡兵
 馬之制、一還于古、大抑排武士、除中興勳人



外控弦之徒往往失職守護威令不行所在將軍家人下編民伍加之女謁公行賞賜稽濫雖起義元勲或遺敘錄許本領仍舊者旋亦收奪由是眾情憤怨思天下之權復出將門率多屬望尊氏方是之時文武交惡內有如水火焉尊氏固有大志矜貴自居寵擢驟至意望不厭期必得源賴朝之比常睨視時釁圖以濟宿謀直義為之計畫然外示忠款以媚朝廷帝不之悟也征夷大將軍護良親

王才武有器略深惡尊氏所為屢請除之帝不聽護良密徵兵圖之尊氏乃憑帝寵姬藤原氏告護良謀反上其反書帝信之放護良于鎌倉付尊氏家士護送於是姦計滋甚參取太平記二年北條時行作亂攻鎌倉直義戰不利遣人戕護良親王奉成良親王西走時行兵勢日熾太平記二年據元弘日記裏書尊氏請自討詔許之又請任征夷將軍管領東國神皇正統記管領東國據太平記○本書作諸國總追捕使未知孰是朝廷不聽更任征

東將軍

尊卑分脈、吉野事書案、○按神皇正統記、保曆間記、征東作征夷誤矣、

尊氏怒、不辭而發、

○命討時行、尊氏因奏曰、元

弘之亂、臣首舉義兵、將士屬心、以得天下、統

一、功為不少、自古征夷將軍、源平更受其任、

請冒忝此職、上以輔公家、下以爲私榮、且撥

亂致治、無如速賞、若須奏後施行、道路遼遠、

士卒失望、伏願假臣關東、八州管領、便宜從

事、二者不聽、臣敢辭、東征、帝乃許管領、且救

而許之、此說蓋非也、於是武士失職、怨望朝

廷者、一時奮起、景從、梅松論軍到矢矧、與直義

合而前、北條時行遣兵拒橋本、尊氏擊破之、

轉戰至相模川、又大破之、時行兵遂逃潰、尊

氏進入鎌倉、梅松論帝遙授從二位、公卿又

遣藏人頭源具光宣勞、且促其班師、尊氏欲

奉詔、直義固執不刺、尊氏從之、及依源賴朝

舊址、開置府治、梅松論參取、保曆間記而自署征夷將軍

東國管領、擢賞有功、撫納降附、人思自效、雖

北條氏黨與、傾心爭歸、時新田義貞亦源氏


宗胄、族望與尊氏相鈞、俱爲中興勲臣、尊氏

固有異圖、每害其功、意深忌之、至是盤據關

東、分國之地、精兵數萬、勢特强大、自謂乘此


時除義貞則其勢足以制持朝廷而天下事
 可運於掌夙志可成矣又欲帝助己以討義
 貞上書列其罪狀乃奪新田氏地邑在東國
 者悉分配部所直義密移書四方招集兵士
 太平於是郡國樹黨分類親信舊故反目相
 視其存志朝廷者委關左而西坐通意尊氏
 者辭闕下而東赴來往續紛道路如織梅松論
 公卿屢奏尊氏反狀帝詔僧惠鎮往鎌倉諭
 旨且察其情狀未行細川和氏持尊氏書至

其略曰元弘之初東藩賊臣蔑如朝憲蕩覆
 國家臣尊氏不以不肖起師勤王士勵應義
 之誠賊懷倒戈之心以得勝於瞬息而攘賊
 於畿外義貞朝臣為逋租課擅戮鎌倉使自
 知罪大無所逃遁不獲已而稱兵聞臣已克
 京師始以討賊為名三戰不勝退計保守賴
 臣男義詮以幼弱起兵下野威振遠近義貞
 得藉其眾以破賊此戰雖在彼而功實在我
 義貞乃敢上蔽聖聽叨邀爵賞可謂世之殘



賊國之蠹害者也。臣今定餘賊，久苦東征，而在朝佞臣，阿附義貞，讒謗交騰，陛下不察，則所謂趙高內用，而章邯降楚者，將在今日矣。夫弭亂未兆，廟堂之所務，伏願乾臨下照，速賜詔許，誅夷逆黨，以綏四海。義貞亦上書告狀，尊氏令直義殺護良親王事。南海西海諸國亦上尊氏促兵書。太平記乃詔削尊氏在身官爵。公卿補任遣義貞奉尊良親王討尊氏。東海、東山兩道竝進，直義與諸將戎裝見尊氏，請

發兵迎拒，尊氏默然良久，徐謂直義等曰：「我以源氏之宗，承久已來，為北條氏所抑制，今日乃獲位三品。」二品據公卿補任。○本書作三品。職忝闡寄，雖以微功，亦帝恩矣。義不可背，今者被譴，正以戕親王與招兵故也。而二者皆非我所為，陳情控訴，冀其弭疑，或不見聽，便當薙髮遁世，以自明無罪耳。卿等善為身圖，我不敢彎弓向王師矣。言未畢，作色而起，直義等相顧錯愕，諸將私與直義謀，發兵往拒，不利。直義



繼發戰手越河原大敗

○梅松論曰、尊氏聞義貞來攻、使高師泰

拒之、矢矧、師泰戰不利、又使直義救之、見敗、退陣箱根、未知孰是、

官軍追抵

伊豆府、尊氏聞諸將發兵、惡身受反名、以軍

事付直義、遁入建長寺

○梅松論作淨光明寺

截髻欲

為僧、賴左右諫止、未即剝剔、直義等自喪軍

還、則府門皆閉、叩扉久之、獨須賀公能出迎、

具言狀、上杉重能與直義謀、偽作下諸道綸

旨、文云、參議足利尊氏、左馬頭足利直義、肆

矜武威、輕蔑朝廷、爰命六師、遽出往征、反臣、

尊氏兄弟、雖投身桑門、遯蹤山林、所在窮討、

嚴加捉搦、以正朝憲、勿令逋逃、連寫數十通、

持至建長寺、視尊氏曰、是手越之戰所獲上、

意如此、公縱遁於桑門、恐不得免、願思門戶

之計、尊氏奮然起曰、死生與汝俱、乃脫道服、

著錦直垂而出、軍士大喜、眾皆絕髻、以同尊

氏、令官軍不得辨識、逃亡士卒聞之、爭還、一

日間號三十萬

太平記○梅松論曰、尊氏聞海道兵敗、謂諸將曰、儻令直

義死、則我獨生、亦復何為也、若其背朝命、非我素心、天必知之、乃率兵赴戰、未知孰是、

直義先發向箱根山、尊氏計合眾逆拒、則可
僅支、不可大克、乃別由險道、直出竹下、梅松論

足利高經等為前鋒、擊尊良親王前軍、卻之、

脇屋義助更進奮戰、太平記結城某部下七百

餘人戰歿、天正本會大友貞載鹽治高貞來

降、因與夾攻、大敗之、義助西走、箱根官軍聞

之、皆夜潰、尊氏使義詮留守鎌倉、自與直義

尾官軍西上、延元元年正月、至近江、攻陷伊

岐洲城、太平記官軍屯據要衝、撤橋施水柵、尊

氏分遣諸軍、攻勢多芋洗、親帥軍向大渡、與

義貞隔水而陣、每進攻、溺死者數百千人、會

細川定禪招集四國兵、與赤松範資俱進攻

山碕、擊破脇屋義助軍、參取太平論長驅入京

師、義貞及諸路官軍皆潰走、奉乘輿保延曆

寺、定禪等放火燒宮闕、尊氏總諸軍入京師、

太平記居藤原公賢第、梅松論園城寺與延曆寺


素相惡、尊氏贈書園城寺、招誘僧徒、啗以置

三摩邪戒壇、僧徒悅從、尊氏乃遣細川定禪

等據園城寺以逼行在鎮守府將軍源顯家率大兵入援定禪累請益兵尊氏不許既而顯家義貞攻定禪大敗之尊氏望塵揚曰園城寺敗當急遣救自出三條河原部分將士義貞追亡已入京師分陣東山之麓潛使兵裝為園城寺敗卒混入麾下尊氏不之覺亦大布陣以俟謂諸將曰義貞好野戰今其據山不下料兵必寡也使高師泰擊將軍塚陣反為所敗尊氏與義貞戰數十合義貞所遣

兵俄起左右麾下動勦遂大敗西走官軍乘勢急躡比至桂川尊氏窘甚將自殺適會日暮追兵引還僅而得免即夜定禪襲破義貞走之尊氏復入京師居數日官軍分道來攻遣足利高經及宇都宮公綱等拒之自與源顯家戰四條河原義貞兵三面掩至尊氏大敗義貞分路追之里見鳥山族二十六騎離眾孤進尊氏兵回戰桂川殲之抵暮官軍引去尊氏又入京師


○按梅松論書園城寺敗已下與太平記多異蓋梅



松論尊氏家屬所記、明日楠正成遣間言、義
不可盡信、今從本書、明日楠正成遣間言、義
貞等戰死桂川、尊氏信之、欲遏其奔逸、分遣
兵於諸路、麾下單弱、官軍伺釁縱火急攻、尊
氏大敗、竟走丹波、聞敗卒聚兵庫、將迎尊氏
再攻京師、乃往會之、太平記赤松則村曰、此地
非形便、宜入保摩邪城、諸將或曰、此自保之
術耳、今天下兩分、彼我角立、將軍一日入城、
則諸國失望、官軍乘勢不可從也、尊氏乃止、

梅松論適顯家義貞率兵來攻、直義拒戰豐島

河原不利、明日大友貞宗、厚東宗西、大内弘
世率戰艦五百餘艘來赴、直義率之戰于湊
川、又敗、太平記既而尊氏進兵至瀨川、細川和
氏等率貞宗等與義貞戰不克、則村說尊氏
曰、宜西行、賴九國兵再取京師、梅松論貞宗亦
言、我舟三百餘艘、可以為西行資、尊氏從之、
倉皇泛海、士卒爭舟相排擠、溺死者二千許、
鎧馬悉委棄、太平記至播磨室津、駐軍謀議、或
曰、官軍必將躡我、請分遣諸將、據國郡以備、



之尊氏曰善梅松論○太平記曰尊氏乃遣

還佐竹義敦于東國仁木賴章于丹波細川

和氏細川定禪等于讚岐上杉憲顯于石見

今川範國于備中桃井小早河氏于安藝大

内弘世于周防厚東宗西于長門石橋和義

于備前留赤松則村于播磨竝伺機同舉取參

諸異本太平記、梅松論、尊氏與直義僅率見卒五百人

許太平記至赤間關少貳賴尚率選兵五百來

會至筑前蘆屋梅松論宗像大宮司宗像政弼

迎而館之太平記資以鎧馬由是舉軍稍安菊

池武敏以兵數萬來攻諸將勸尊氏與直義

俱進尊氏曰我至九國始與敵交戰而我二

人齊進有小蹉跌全軍皆歿不如留在軍後

俾先鋒有所恃脫若不利徐率麾下赴之未

晚也先遣直義往拒大戰于多多良濱直義

兵士鎧仗不具徒步赴戰眾懷必死莫不一

以當百武敏敗退直義追至博多武敏返戰

銳甚尊氏乃麾兵而前大敗武敏梅松論松浦

神田氏望尊氏軍以為數萬至也、偃旗來降、武敏走還肥後、保菊池城、使一色賴行、仁木義長攻拔之、武敏逃匿、進拔八代城、九國望風降附、當是時、仁木賴章誘久下長澤荻野、波波伯部諸族、據丹波高山寺城、赤松則村據播磨白旗城、石橋和義起備前、築甲斐河三石二城、田井飽浦、松田頓宮諸族從之、於是美作備中土豪一時蠶起、悉應尊氏、帝詔新田義貞西討、義貞將大軍圍白旗城、分兵

出諸道、攻柰義能、仙菩提寺三石城、太平記尊

氏留太宰府、踰月、眾或謂乘勢急入京師、或

謂待秋熟、議未決、梅松論會赤松則村遣其子

則祐來于太宰府、勸速向京師、太平記石橋和


義使亦至告急、尊氏乃留一色賴行、仁木義

長守九國、○按太平記作留義長及大友少貳、而本書載少貳從尊氏到京師、

最為詳審、急發太宰府、抵長門府、檢舟、初壽

永中源義經以長門串碕舟十二艘破平氏

于壇浦、因命其舟師家永除課役、尊氏以為



吉兆也、命守護厚、陳宗西悉發其舟、論梅松

到嚴島、禱祀三日、初尊氏陷京師也、謀奉後

伏見帝、胄胤為帝、而諸皇子皆從、幸延曆寺、

不果、記太平及敗奔兵庫、赤松則村亦以為言、

論梅松時熊野別當道有○天正本從在軍素

與藤原資名相識、尊氏謂道有曰、吾軍屢敗、

以抗王師也、吾將請持明院上皇院宣、使兩

帝爭國、乃遣道有因資名請之、道有許諾而

去、○按本書或以持明院上皇至是三寶院僧

賢俊齋持明院廢主書而至、○按梅松論曰、

於備後鞆津得院宣、保曆間尊氏悅曰、我事

濟矣、記太平乃製貼日錦幡、於是四國西國兵

士大來集、軍益振、尊氏從少貳賴尚議、率舟

師七千隻、直義將步騎二十萬、水陸竝進、直

義進陷福山城、義貞解三石白旗圍、退屯兵

庫、尊氏直義進抵兵庫、錦旗曜日、鉦鼓震地、

參取太平脇屋義助陣于經島、楠正成屯于

湊川、義貞將兵二萬五千、軍于和田碕、細川

林... 卷之十四 列傳 十一

定禪兵二百餘人先與義助戰悉歿定禪更
率舟軍數百艘傍岸向紺邊濱義貞義助空
營逐舟而東尊氏兵一時下船登和田碕直
義既攻克正成于湊川乃俱合軍與義貞大
戰于生田森敗之義貞走還京師奉駕幸延
曆寺促法皇持明院廢主詣行在太平持明
院廢主託病不往皇年代略尊氏進陣男山
梅松迎法皇持明院廢主奉之據東寺諸異
論公卿稍來集尊氏使吉良石塔澀川畠山
平記

氏由東坂本仁木細川今川荒川氏由無動
寺高南部巖松桃井氏由西坂本攻延曆寺
官軍拒擊破之諸軍大潰自相蹈藉死者千
計高師重被虜官軍乘勝來攻尊氏出弱卒
誘之官軍追入京師乃大出兵塞礙街衢縱
橫攻擊殺五百餘人官軍又謀東西夾攻東
寺尊氏探聽其計乃分軍為三一陣于東山
七條河原一陣于船岡麓一為游軍陣于西
八條官軍果大舉縱火來攻諸軍合擊大敗

卷之十四 川傳 十一

之時帝詔延曆寺、謀興福寺、援官軍、興福寺應之、於是近畿兵多起、屬官軍、絕水陸糧路、尊氏軍大困乏、始猶賣鎧馬、供食、久而不能給、乃大縱四出、劫掠食物、褫奪衣服、京師居民累經兵燹、既失資業、復遇殘暴、往往出乞丐、飢卧路上、雖公卿亦不免飢渴漂泊、喪亂之慘極矣、太平記官軍復出兵阿彌陀峯、今比叡、盛列炬火、將來攻尊氏、遣細川定禪、今川範國擊走之、參取太平記、梅松論、義貞又與範國據難太平記

諸軍約、刻日攻尊氏、舉火為號、會北白河民家失火、○金勝院本日、尊氏偵知、權中納言舉火為號之謀、故焚民居、權中納言藤原隆資望之、直進攻東寺南門、高師直逆戰、見破、隆資乘勝急薄譙樓、時兵皆外出、在者老弱、驚怖不知所為、而尊氏誦佛經、無少怖色、會土岐賴直聞變、馳至、大戰于羅城門外、師直亦至、俱奮擊卻之、俄而義貞徑薄東寺、請與尊氏挺身決戰、尊氏曰、我非傾覆國家、唯欲除義貞耳、獨身決戰、固我所願、速開

門、我將出也、上杉重能固諫而止、土岐賴遠等出義貞後、圍之數重、義貞突圍脫去、尊氏欲復持明院廢主位、眾以謂此主往時為北條高時所立、曾不踰年、海內覆亂、北條氏滅矣、立之不祥、太平記遂奉其弟豐仁親王為帝、是為光明院、號用建武、皇年代略記民間為之語曰、君王多福、未親一戰、將軍賜以王位、先是興福寺為官軍援、尊氏與邑誘之、於是叛黨于尊氏、乃遣足利高經以兵扼北陸道、

太平記小笠原貞宗率甲斐信濃兵屯近江野

路、梅松論梗官軍糧運、延曆寺僧徒屢來爭、貞


宗擊卻之、尊氏遣還佐佐木高氏於近江、高氏屯三上、脇屋義助來戰、高氏擊走之、官軍內乏糧食、外攻不利、勢孤援絕、飢窘益甚、尊氏密遣使賴僧忠圓偽乞降、作誓書奏曰、臣前陷讒毀、身蒙天譴、臣欲即披剃、謹俟明誅、然新田義貞兄弟憑藉天威、謀逞私怨、臣故不獲已舉兵、非敢有悖逆無上之心、將以誅

奸臣懲將來耳、伏冀宸衷察臣無罪、迴鑿輿
 于九重、傳寶祚于萬歲、凡從駕諸臣、臣不敢
 復問讐怨、其官爵食邑、悉皆復舊、天下庶政
 一歸朝家、帝許之、尊氏大悅、曰、誰謂君王睿
 明、已陷吾計中矣、又貽書從駕諸將、招慰之、
 冬、義貞奉皇太子北奔、越前、車駕還京、到法
 勝寺、尊氏使直義奉迎、遂幽帝于華山院、悉
 奪從駕公卿官爵、拘繫將士、請傳三神器于
 新主、帝乃授偽器、又矯帝詔、遣足利高經、仁

木賴章等、攻義貞于金碕城、無何、帝乘夜出
 華山院、幸吉野、京師騷擾、太平記諸將馳至尊
 氏、謂曰、頃聞帝在華山院、使諸將警衛、固為
 煩勞、然若倣先代遷之海島、則又所不敢安、
 我甚憂焉、今帝之自出、安知非福、但就其所
 在、漸為之謀耳、於是眾始安、梅松論是歲、光明
 院拜尊氏權大納言、公卿補任、尊卑分脈二年、足利高
 經陷金碕城、執皇太子、送京師、尊氏幽之、義
 貞入杣山城、經略北國、兵勢又振、尊氏命高

經攻之、冬源顯家與北條時行新田義興攻
鎌倉、義詮敗走、三年土岐賴遠、桃井直常等
與源顯家戰于青野原、大敗、尊氏大驚、使高
師泰、高師冬、細川賴春、佐佐木氏賴、佐佐木
高氏等將萬餘人援之、賴遠等尾顯家至黑
地、前後夾擊、顯家轉道伊勢、師泰追戰雲津
川不克、賴遠夾擊以下顯家入柰良、遣直常
及弟直信急往擊之、又不克、時義貞拔越前
府城、高經大敗、走保足羽、初高經執皇太子

也、誘問義貞、義助所在、太子給曰、皆自殺矣、
以故緩杻山之攻、至是尊氏始知為其所給、
與直義謀進藥弒皇太子及成良親王、源顯
家屢出兵於和泉、使弟顯信據男山、尊氏遣
高師直攻之、師直分兵圍男山、自督兵士與
顯家戰于安倍野、顯家敗死、男山尋陷、高經
與義貞相持久之、義貞中矢死、傳首京師、於
是諸國官軍勢日蹙、將士相率來降、太平光
明院授尊氏正二位、拜征夷大將軍、公卿補
任、天正



大日本書紀卷之百一十四
列傳
三十一

本太平記○見行本太平
記以拜將軍係元年誤

四年高經與義助
戰于越前敗尊氏遣高師治土岐賴遠佐佐
木氏賴鹽治高貞等諸將援之會高師直讒
高貞高貞奔于出雲遣山名時氏及子師義
追殺之高經與師治等遂攻拔杣山城悉取
北國諸城義助走根尾城土岐賴遠攻陷之
是歲後醍醐帝崩後村上帝登阼宣遺詔討
尊氏興國六年兒島高德起兵備前荻野朝
忠起兵丹波尊氏使山名時氏攻之朝忠降

高德擁脇屋義治竊入京師尊氏遣所司代

都筑宥俊宥俊據金
勝院本率兵捕之義治等走信

濃正平二年楠正行出兵攝津以伺京師遣

細川顯氏等拒之戰于譽田林敗使山名時

氏往援之戰于瓜生野又大敗復遣高師直

高師泰率精兵數萬赴之明年春師直等與

正行大戰于四條畷正行敗死師直等進逼

吉野帝出幸賀名生師直火行宮而還師泰

進與楠正儀相持石川夏紀伊官軍起尊氏

大日本書紀卷之百一十四
列傳
三十一

遣子直冬擊之。是歲光明院讓位太子興仁。是爲崇光院。四年夏遣直冬于備後爲中國探題。直義與上杉重能畠山直宗謀殺高師直。事漏。師直怒招師泰自石川還將攻直義。諸將多應之。尊氏大驚遣使謂直義曰。師直兄弟奢侈驕悖無復君臣禮。變不可測。宜急來共安危。直義卽出赴之。從兵途亡。宗親信近在者僅可千人。明日師直師泰率兵來圍數重。尊氏怒使須賀清秀讓師直曰。汝累世

爲我家臣。今忘恩背義。擅起甲兵。將欲託事奪我家乎。不然宜速罷兵。退陳所訴。師直對曰。臣無他志。止欲執讒臣者耳。麾軍而進。尊氏益怒。將出戰。直義固諫。許其所請。尊氏從之。師直解圍而退。尊氏乃罷直義。召義詮入京師。使掌軍政。流重能直宗於越前。師直逼殺之。又忌直冬。在備後竊命備後兵士殺之。直冬逃到肥後。五年三角某應直冬起兵于石見。尊氏遣師直師泰攻之。太平時土岐賴

明叛尊氏于美濃、尊氏召還師直、與義詮共

擊平之、

園太曆、祇園執行日記、天正本太平記、

直冬勢稍强大、

冬尊氏率高師直等騎兵八千往擊、即夜直

義潛出亡、

太平記、

師直請留而索之、尊氏不聽

而發、

園太曆、參取祇園執行日記、

駐軍于備前福岡、促諸

國兵、適聞直義歸順、謀復京師、急引兵還、六

年春直義據男山、桃井直常據延曆寺、將攻

義詮、義詮棄京師走、直常入京師、尊氏遇義

詮于西郊、分軍攻直常走之、又遮擊于北白

川、復敗之、尊氏入京師、是夜將士多降于直

義、明日尊氏與師直西走、至書寫山、師泰解

三角圍而至、直義使石塔賴房來攻、尊氏親

將兵擊之、不利、直義又使畠山國清上杉義

依援賴房、尊氏逆戰于御影濱、大敗、狼狽入

松岡城、至夜召師直問兵數有幾、師直曰、見

兵五百、其餘皆亡去、尊氏嘆曰、我事去矣、乃

解甲而坐、諸將就列、將與俱自殺、會饗場氏

直叩城東門大呼曰、和議定矣、諸君勿輕死、

徑入見尊氏曰將軍以臣爲立邪臣以軍士
銳氣沮喪竊往國清營講和國清道錦小路
殿欲懲高兄弟不義然無意必誅也且臣觀
其賜國清書情義深厚見于詞辭將軍勿疑
尊氏悅遂率諸將還京師師直師泰見殺于
道直義自男山義詮自丹波各罷兵還京太平
記氏直名乃罷義詮復令直義掌政園太而
尊氏直義雖外相和內實不能平旣而仁木
賴章細川賴春土岐賴康佐佐木高氏與石

塔賴房桃井直常等互相猜忌各懷疑懼於
是浮言沸騰釁端復起賴章賴春等各逃還
領國直義聞之亦奔越前將士多從之義詮
懼其反見襲請爲之備尊氏曰有運在天吟
嘯自若秋奉崇光院命討直義將兵二百餘
抵近江鏡驛佐佐木高氏及子秀綱仁木義
長土岐賴康等各率兵來會記太平與直義將
細川顯氏畠山國清桃井直常戰于八相山
破之國清顯氏勸直義講和不就乃以部衆

皇朝通志 卷一百一十四 列傳 三十五

來降直義走鎌倉天正本尊氏乃還京師謀

復親往擊之而懼京師空虛為官軍所襲屢

遣使吉野請廢崇光院迎車駕帝不許太平記

時赤松則祐在吉野尊氏又因則祐請降帝

佯許之園太曆賜詔書討直義太平記東寺尊

氏乃使義詮留守京師親率諸將而發到駿

河促兵于旁郡時東北諸國既多屬直義僅

招得兵三千進屯薩埴山宇都宮氏綱起兵

于下野為之聲援直義將兵十萬陣伊豆府

遣上杉憲顯二十萬天正本石塔義房十

萬天正本圍尊氏于薩埴山桃井直常拒

氏綱氏綱連戰皆克進至古宇津憲顯義房

潰走仁木義長追至伊豆府直義逃匿伊豆

山尊氏遣畠山國清仁木賴章等貽書招致

之七年春尊氏入鎌倉幽直義尋酖殺焉先

是新田義興新田義宗脇屋義治起兵上野

武藏諸將以多寡難敵請先赴安房上總招

諸國兵而擊之尊氏曰避敵而後制勝千中

大日本史 卷一百一十四 列傳 三十五

有一、今一去鎌倉、則坂東悉爲敵有、不如先發制之、留子基氏守鎌倉、自將五百騎而出、比抵久米川、兵集者幾八萬、分爲五隊、與義興等大戰于金井原、殺傷相當、饗場氏直與兒玉黨戰大敗、奔赴尊氏中軍、諸軍撓敗、爲義宗所乘、奔至石濱、尊氏欲自殺、親兵二十餘騎拒戰而死、會日暮、義宗亦退、尊氏乃涉水得免、仁木賴章、仁木義長、與義興、義治戰、敗之、義興、義治又聚敗卒、轉攻鎌倉、基氏敗

走、時義宗屯笛吹嶺、尊氏以爲先破義宗、則義興等自潰、乃將兵赴笛吹、與義宗遇於小手差原、苦戰數十合、義宗走越後、兵士悉降于尊氏、義興、義治果逃、尊氏入鎌倉、八年夏、山名時氏歸官軍、攻義詮於京師、義詮奉後光嚴院走美濃、尊氏留基氏于鎌倉、爲關東管領、自率諸軍而西、太平記、本書作翌年春、尊氏入京師、今從園太曆、異本、太平記、歷代皇紀、皇會、義詮于鏡驛、園太曆、皇正統記、與俱奉後光嚴院入京師、園太曆、皇正統記、

以仁木賴章為執事九年先是直冬歸順與山名時氏奉詔討尊氏足利高經桃井直常率北國兵應之兵勢甚熾尊氏使義詮屯播磨斑鳩驛備時氏冬直冬時氏等竝進到丹波尊氏以京師兵寡不可守乃奉後光嚴院走保近江武佐寺係今年據歷代皇紀十年春直冬等入京師仁木義長土岐賴康佐佐木氏賴等率兵會尊氏于武佐寺乃與義詮刻日東西夾攻京師破山名時氏于神南尊氏屯東山

仁木賴章屯嵐山義詮屯山碕塞諸道直冬等糧援懸絕尊氏遣諸將急攻之直冬等遂

敗走太平記尊氏迎後光嚴院入京師園太十

三年四月尊氏患癰薨年五十四公卿補任

常樂記作稱等持院又稱長壽院足利法名

仁山妙義園太後光嚴院贈從一位左大臣

公卿補任長祿初贈太政大臣尊卑分脈妻

平登子赤橋久時女亦嘗贈從一位尊卑分脈尊

氏器宇弘裕規略遠大赴事若緩不及而分

畫已明、綱維先布、時出權詐、無窺其際、任人不疑、視金帛如土石、嘗值八朔、將士獻物鉅萬、一時頌與悉散盡、初自筑紫還、新田義貞解白旗之圍、赤松則村齋其所遺旗百餘到室津、尊氏視多有舊部下、幟曰、此曹為一時避害耳、想當不日來也、後果如其言、常慕源賴朝之治蹟、言必稱之、嘗謂直義及高師直曰、昔右大將在伊豆、處心積慮、殆乎二十年、平氏罪惡貫盈、始揚兵唱義、前後五年、戡定

四方、其所以信賞必罰、畏服人心、至今傳為美談也、然用刑苛刻、多猜疑、果殺戮、骨肉不免橫死、為可憾也、我則不然、苟有降附者、則不問深讎、大敵、邑土不遷、安堵如故、況於有功之臣乎、必將酬以重祿、厚賞也、子等輔我為政、宜體此意矣、論梅松命僧是圓玄、慧定、憲令十七條、謂之建武式目、建武式目以犯順稱兵、懼人心不服、陽尊光明院、事必稟請、及得志、無復所忌憚、視其主如弁髦、廢立皆竅其

手而成天下郡國不問神祠封戶公卿食邑
強奪豪占悉頒給將佐賦五十分之一資軍
興之用雖其主供御時或闕乏而不顧也宗
人顯列者凡四十三人守護吏務不可勝計
衣冠盛門被其陵轢反諂媚其僕隸至於衛
府北面之士競學坂東衣服言語欲以免其
侮笑焉自兵興以來前後二十餘年京師爲
爭戰之區宮門殿舍悉皆焚蕩饑疫相踵盜
賊縱橫死者枕藉而尊氏將士日鬪茶博飲

競以奢靡相夸錢帛器玩悉散予優妓一遊
之費幾乎不貲調發四方侵漁百姓冤獄頻
起賄賂公行上下彫弊卒之父子兄弟日尋
干戈海內騷然無復寧歲矣興國初京師郡
國大疫災變荐見尊氏直義恬視謂是天災
非人力所可能救也太平記僧疎石始以禪教
爲尊氏直義所崇信太平記梅松論謀藉其
力創寺幸天災便說之曰近屢夢吉野先帝
駕金龍過大井河而變異適見蓋其爲祟也

請起寺薦福以慰譴怒、尊氏信之、乃課安藝周防、用二國租賦、創寺于龜山殿故趾、又使人齎資寶、往元互市、多得巨材珍貨、六字據善隣國寶而貿易所得贏利亦數倍、悉用充料費、凡六年、至于正平元年始成、經費累鉅萬名、以天龍置僧一千人、使疎石主之、請光明院親臨慶之、準敕願寺、光明院皆許之、延曆寺僧徒以禪教盛行、不利于台教、請廢天龍寺、遠斥疎石、言若不見聽、當奉神輿入京也、尊氏

直義怒曰、建寺崇法、上下歸佛、凡在方袍圓頂者、所當隨喜、且寺我爲之、何預汝事、若奉神輿而至、則可差兵拒之、或棄置道路、則當沒在京山、徒資財而改造之耳、僧徒發怒、以事牒興福、平泉諸大寺、謀必遂、所請大臣藤原氏者、亦乞光明院允其請、因罷準敕願之命、於是尊氏直義各駕八葉車、八葉車據園太曆及二階堂道、本天龍寺供養記、○按本書尊氏駕八葉車、直義駕小八葉車、西源院本作尊氏駕小八葉車、率宗族將士往慶之、明日花園光嚴二

大日本史卷之八十四
列傳

上皇亦同詣焉、法會之盛、近古未之有也、太平

記 又嘗為文祭後醍醐帝、極述帝恩、言悲哀

之情、金澤稱名寺所藏尊子直冬、竹若、義詮、

基氏、聖王、聖王據竹若幼從舅僧良、遍居伊

豆山、尊氏歸順、良遍竊將竹若詣京師、遂為

北條高時兵所害、太平記○名僧略傳以南

無所考、聖王興國六年七歲夭、光明院為之

廢朝、七日、園太曆直冬、義詮、基氏自有傳、

大日本史卷之一百八十四終

大日本史卷之一百八十五

列傳第一百十二

權中納言從三位源光圀 修

男權中納言從三位綱條 校

玄孫權中納言從三位治保重校

將軍七

足利義詮

足利義詮小名千壽王、太平尊氏第三子也、

足利系圖○太平元弘三年尊氏從北條高

大日本史卷之一百八十五 列傳

時令西禦官軍、義詮與母赤橋氏質在鎌倉、
及尊氏歸順、家人抱走下野、新田義貞滅高
時、家人二百餘奉義詮屬之、往居鎌倉、太平記
尊氏遣細川和氏、細川賴春、細川師氏還于
鎌倉輔之、梅松論關東將士多去義貞而歸義
詮、太平記語具和氏傳、建武二年敘從五位
下、公卿補任延元二年秋鎮守府大將軍源顯家
攻鎌倉、義詮遣細川和氏及上杉憲顯、高重
茂拒於利根川、大敗而還、冬顯家與北條時

行新田義興合兵來攻、諸將議走安房上總、
避其鋒、義詮曰、我為關東管領、豈得畏避、退
縮、甘受外侮、今日決死一戰、幸而得脫、則退
次安房上總、躡敵西上、可以至宇治、勢多、與
家大人夾攻之也、時年八歲、○按本書作十
一歲、今據公卿
補任推年諸將嘆服、乃分路出拒、不利、奉義
甲訂之詮逃走、三年顯家進向京師、義詮復入鎌倉、
諸將尾顯家西上、顯家遂戰歿、果如其所料、
太平興國五年光明院就授義詮左馬頭、公卿

補任正平元年進從四位下公卿補任四年至

京代叔父直義掌軍政直義尋歸順太平五

年秋義詮與高師直擊土岐賴明於美濃虜

之而還園太曆祇園執行日記崇光院賞功任

參議兼左近衛中將公卿補任明年春直義

將官軍進據男山桃井直常陣坂本時尊氏

擊庶長子直冬于筑紫京師兵寡又多通志

于直義叛降相繼義詮置關防遏之守者亦

相率亡去留者不滿五百於是細川清氏仁

木賴章等勸義詮西與尊氏兵合義詮從之

與俱棄京師西奔會尊氏聞變自筑紫引還

遇諸桂川復俱入京師明日尊氏又西走義

詮及仁木賴章仁木義長留丹波石龕寺據

險設寨荻野波波伯部久下長澤氏等相繼

來集兵勢稍振無何尊氏與直義講和還京

師召義詮還頃之直義逃於鎌倉太平冬尊

氏欲往擊直義乃先佯歸順園太命義詮廢

崇光院及太弟直仁奉正平號參取公卿補

大日本書紀卷一百八十五

列傳

三十一

東寺長者補任續神皇正統記七年春獻沙金三千兩馬十

匹於行在贈鞍馬金帛於後宮百僚有差閏

二月帝幸男山大嚴兵士義詮使僧慧鎮奏

曰如聞和田楠諸將戒嚴臣既蒙洗滌上下

和親不審所備何事也詔曰天下未安非常

之事不可不戒卿其勿疑義詮信之不設備

既而官軍分路奄至細川顯氏細川賴春逆

戰大敗義詮與從者一百五十人東走光嚴

光明崇光三主及直仁親王為官軍所獲義

詮至勢多官軍已燒橋不能進兵有善水者

游至前岸挈舟而來○天正本曰佐因濟

眾畢乃命沈舟笑曰今始得生矣進至武佐

寺土岐賴康夫高某佐佐木高氏等率所部

赴之義詮率騎三萬漸進至東寺官軍退陣

男山細川顯氏與赤松則祐引兵至義詮聲

勢大振因使顯氏及斯波氏經氏經弟氏賴

詮經細川清氏塞東條路以絕男山糧餉○本

書作義詮親塞東條路今參取園進戰連捷

太曆毛利家本天正本太平記

大日本書紀

卷一百八十五

列傳

四

義詮合諸將兵刻期竝進、火高橋民舍、戰園
殿口、佐羅科、大破官軍、遂逼男山、帝衝圍還
賀名生、義詮諸將督兵追之、獲大納言藤原
隆資等三百餘人、秋、義詮奉光嚴院子彌仁
稱帝、是為後光嚴院、八年夏、山名時氏與官
軍俱來攻、兵勢甚銳、諸將請避之、近江、義詮
不聽、移後光嚴院於東坂本、率諸將陣神樂
岡、拒之、不利、明日奉後光嚴院東走、官軍遮
擊於真野浦、佐佐木秀綱戰死、義詮遂走垂

井、官軍守京師、秋、義詮率東海東山北陸三
道兵、進逼京師、時氏等不戰而走、太平記、義詮
入京師、尊氏自鎌倉還、義詮出迎鏡驛、乃奉
後光嚴院入京師、園太曆、尋西赴播磨、屯斑鳩
驛、以備時氏、九年冬、足利直冬與山名時氏
進兵至丹波、尊氏走近江、太平記、十年春、直冬
時氏入據京師、毛利家本、方是時、四國西國
兵士大集斑鳩驛、義詮因與尊氏謀夾攻京
師、乃率赤松則祐、佐佐木高氏、細川賴之等

大日本史 卷一百八十五 列傳 六

至神南與時氏及子師義戰見敗師義直衝
義詮陣高氏則祐殊死戰更大敗之尊氏進
軍東坂本攻直冬走之太平記十一年敘從三
位公卿補任十三年夏尊氏薨義詮嗣立後
光嚴院授征夷大將軍太平記公筑紫探題
一色直氏與菊池武光戰敗還于京師武光
兵威甚熾義詮懼其乘變來攻遣細川繁氏
鎮撫九國繁氏途病死太平記十四年春兼武
藏守公卿補任以細川清氏為執事菊池武

光攻取畠山重隆日向三股城畠山國久棄
六笠城走重隆國久名並少貳賴尚大友氏
時與武光戰互有勝敗是時義詮弟基氏居
鎌倉管領關東頗得士心義詮稍忌之基氏
懼請發兵攻吉野以自效遣畠山國清率兵
至京師義詮乃將國清及諸將兵出屯尼碕
明年春遣國清等進屯津津山與官軍相持
畠山義深戰龍門山大敗義詮使畠山義熙
等援之官軍敗走諸將尋取龍泉平石諸城


大日本史 卷一百八十五 列傳 六

官軍退保金剛山、夏義詮引諸軍還、秋和田
正忠楠正儀絕渡邊橋、將攻譽田城、義詮驚
愕不知所出、畠山國清與細川清氏等引兵
赴天王寺、官軍不戰而退、國清等因議返攻
仁木義長、事播京師、義長乃幽義詮、勒兵衛
守、請下令以誅國清、義詮不獲已從之、而密
與佐佐木高氏謀脫去、會義長夜侍義詮、義
詮稱病發入臥帳內、義長出、義詮乃蒙婦人
衣、率親近三人、間出側門、得高氏所具馬、疾

馳至西山、將士聞之四散、翌日義長率殘卒
東走、遂詣吉野降、國清等自天王寺還、官軍
又出、於是大和河內和泉紀伊之間諸城皆
屬官軍、京師騷擾、國清恐咎歸已、奔歸鎌倉、
既而義長使叔父義住與石塔賴房將兵俱
陣葛城山、佐佐木氏賴擊之、義住敗降、義住
利家十六年秋、細川清氏與佐佐木高氏相
惡、義詮懼走新熊野、迎後光嚴院、迎後光嚴
院、歷代皇紀、西斷橋自守、清氏使人請罪不
源、院本太平記、

答清氏走若狹、義詮遣斯波氏賴等擊之、清氏敗降吉野、楠正儀和田正武攻攝津、佐佐木秀詮及弟氏詮戰神崎橋、敗死、冬、細川清氏帥官軍大舉來討、細川氏春率伊勢淡路兵會之、赤松範實亦屬官軍、義詮遣佐佐木高秀於忍常寺、○今川家本忍作恩、今川貞金勝院本常作頂、世於山碕、吉良滿真等於大渡禦之、別發將士守淀鳥羽、伏見竹田、高秀望官軍閉營不出、貞世亦逃、它軍皆無鬪志、於是義詮又奉

後光嚴院走近江、居武佐寺、官軍入京師、燒義詮第、既而土岐賴康、仁木義住與官軍戰、伊勢丹波有利、足利高經、赤松範實又屬義詮、軍士雲集、義詮諸道逼京師、別使赤松氏範犯吉野、官軍聞之自退、義詮乃入京師、先是山名時氏拔倉懸城、十七年、細川清氏略四國、山名師義徇、但馬丹波、義詮遣石橋和義、和義據毛利家本今川貞世、大島義高將兵三千拒師、義師義不戰而退、義詮以斯波氏經為



九國探題、秋細川賴之與細川清氏戰讚岐
獲清氏、楠正儀和田正武攻攝津、佐佐木高
氏兵拒之、神崎見敗、斯波氏經與菊池武義
戰、長者原敗績、是歲以斯波義將爲執事、事
皆取決於其父高經、太平記十八年後光嚴院
授義詮從二位權大納言、公卿補任十九年大內
弘世以長門周防來降、山名時氏、山名師義、
仁木義長、石塔賴房、上杉憲顯亦相繼降、太平
記、石塔賴房據毛利家本天正本、二十年下母憂辭職、尋復

職、公卿補任二十一年秋義詮聽諸將言、將兵擊

足利高經及義將、命佐佐木氏賴召近江兵

至、高經泣訴無罪、義詮更爲好語諭遣、高經

義將乃走越前、據杣山栗屋二城、叛、義詮遣

畠山義深、山名氏冬等攻之、太平記二十二年

春進正二位、公卿補任高麗承元主旨、遣使

上書、請禁邊民往擾其邊境者、義詮答以海

賊所爲、難速勦捕、因付鎧馬綾絹等于使者

遣之、參取善隣國寶記歲足利高經死、義將降、

大日本史 卷一百八十五 足利家傳

太平義詮臥病以子義滿幼冲擇其委託以

細川賴之為執事參取太平譜記十二月病革

臨終深託賴之以輔導義滿細川家譜薨年三十

八公卿補任太平記尊卑分脈足利家傳常樂記法名瑞山道權尊

利分脈足稱寶篋院後光嚴院贈左大臣從一

位尊卑分脈足利家傳晚年居坊門第世稱坊門

殿足利家傳義詮好和歌尊氏之喪後光嚴

院贈官義詮對其使作和歌以謝詞極悲哀

後光嚴院載之新千載和歌集太平記尊卑正

平中後光嚴院行中殿和歌會義詮與焉太平

記二子義滿滿詮滿詮從二位權大納言應

永二十五年薨贈從一位左大臣公卿補任

足利家傳薩戒記

大日本史卷之一百八十五終

大日本史 卷一百八十五 列傳 十

大日本史卷之一百八十五

列傳

大日本史卷之一百八十五
足利義滿字春王義詮子也參取細川賴
正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義

大日本史卷之一百八十六

列傳第一百二十三

足利義滿字春王義詮子也參取細川賴
正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義
家傳足利正平十六年官軍襲義詮於京師義

大日本史 卷一百八十六

川傳

二

詮逃近江、義滿時幼、從者抱走南禪寺、僧良

明年還京師、太平記、禪林諸祖傳二十一年冬、後光嚴

院授以從五位下、親書其名賜之、足利家傳明年

冬、義詮有病、義滿敘正五位下、任左馬頭、後愚

昧記十二月、義詮薨、義滿嗣立、年甫十歲、聰明

有偉度、細川賴之為管領、亦傾心輔導、諸將

敬憚、參取太平記、花營三代記、細川賴之記二十三年秋、足利

氏滿遣兵與新田義宗、脇屋義治戰、越後上

野之間、義宗敗死、義治逃走、喜連川冬、拜征

夷大將軍、後深心院關白記、後愚昧記、足利家傳二十四年、楠

正儀降、秋、桃井直常以兵據越中松倉城、赤

松氏範據攝津中島、義滿遣赤松則祐、赤松

光範攻之、氏範敗走、建德元年春、越中守護

斯波義將與桃井直和戰、獲之、直常棄松倉

城而走、二年秋、越中能登國兵與直常戰、敗

之、花營三代記冬、西海兵起、義滿以今川貞世為

九州探題、與大内義弘俱擊之、連歲攻戰、漸

大日本史 卷一百八十六 川傳 二

就底平

參取花營三代記、應永記、吉川家傳

楠正儀來謁義滿

乃使正儀還河內、官軍屢往來紀伊河內攻

正儀、至是義滿與細川賴之謀大舉犯吉野、

召兵諸國、遣細川賴元援正儀、官軍引退、賴

元屢戰有利

參取後深心院關白記、花營三代記

是歲後光嚴

院傳位於東宮、是為後圓融院、文中二年春、

義滿使細川氏春攻天野行宮、秋帝移蹕於

吉野避之、氏春與內大臣藤原隆俊戰獲之、

參取花營三代記、鳩嶺雜事記冬任參議兼左近衛中將、敘

從四位下

花營三代記、公卿補任、喜連川系圖、○系圖曰、是歲義滿親率諸將

平西國、然考三代記、義滿時居京師、無西行事、故不取

天授元年秋、今

川貞世與少貳冬資戰斬之

花營三代記

冬敘從

三位、四年春任權大納言、造室町新第、徙居

焉、世稱花亭

足利秋兼右近衛大將、五年春家傳

兼右馬寮、御監、公卿補任、足利家傳先是和泉土丸城

將橋本正督請降、義滿因遣兵南下、屢敗官

軍、尋遣山名義理、山名氏清等攻拔土丸城、

是春連陷紀伊藤波石垣等城、又遣諸將擊

大和十市氏花營三代記會足利氏滿將作亂謀

稍漏義滿遽追南行諸將還備京師參取喜連川系

圖花營三代記氏滿悔而乞和事遂寢喜連川夏義

滿忌細川賴之有權積成嫌隙集兵自備命

罷還讚岐尋將發兵擊之適義滿意解乃寢

以斯波義將為管領花營三代記參取六年

春敘從一位公卿補任花營三代記足利家

曰天授四年敘從二位然補任秋山名氏清

與官軍戰紀伊大敗之獲橋本民部大輔等

又敗高野政所隅田某取生地城花營三代記弘

和元年任內大臣明年春為左大臣兼藏人

所別當聽牛車為院執事公卿補任以名氏

清擊破官軍和漢合運於是悉取河內和泉紀伊

行在裁保吉野花營三代記夏後圓融院傳位於

皇太子是為後小松天皇皇年代略記三年為淳

和院獎學院別當源氏長者先是父我氏世

為源氏長者至是始屬足利氏尋準三宮公卿

補任參取足利家傳皇冬後小松帝幸室町

年代略記尊卑分脈

大日本史

卷一百八十六

川專

四

大日本書紀 卷一百八十六 列傳 四

第足利足利氏世崇禪教至義滿益盛始置

僧錄司造鹿苑院寶幢寺是歲又造相國寺

令諸國守護助役規制宏麗當時無比後造

七層塔于寺內參取禪林諸祖傳和漢元中

元年辭右近衛大將公卿補任四年春後小松帝

加元服義滿理髮皇年代略記五年夏辭左

大臣公卿補任秋如駿河觀富士山東寺長老補任獲新

田氏族二人于京師斬之常樂記六年春如安

藝謁嚴島祠欲躬如筑紫巡察風俗命細川

賴之備舟到嚴島進泊周防嚴屋時大風連

日舟漂不得所屆義滿特乘小舸夜至田島

浦投漁人家翌日與賴之會輒俱京還嚴島諸記

和漢合符七年春遣兵擊土岐康行于美濃和漢合符


明德記康行請降乃釋之是歲遣山名氏

清山名滿幸擊山名時熙山名氏之以其拒

命也氏清請加訓責教之自新義滿怒曰兵

業已命行矣依人謝罪吾不敢赦氏清滿幸

遂往攻走之義滿仍分時熙氏之所管國賞



之授伯耆隱岐于滿幸、但馬于氏清、明德八年

年春罷斯波義將、夏以細川賴元為管領、召

細川賴之還、輔政如故、東寺長者補任先是山名時

熙山名氏之潛入京師、謝罪、義滿將聽之、山

名氏清、山名滿幸聞而怒、冬遂舉兵嚮京師、

上下騷擾、義滿遣使諭氏清、兄義理止之、不

聽、義滿欲察諸將向背、夜召至古山滿藤宅、

議軍事、眾或曰、國家須要無事、彼若有所訴、

為善聽之、義滿曰、彼圖天下、更何所訴、即釋

之後必復反、不如及時誅也、揣彼謂我拒之

於東山比叡之險、而吾自出東寺、諸將陣內

野、誘入而夾攻之、一戰可決也、一色詮範曰、

東寺內野、地勢阻隔、進退難制、願將軍建旗

掘河、屯諸軍于內野、以待敵來前、即可乘機

縱擊也、敵若循河岸來、則內野諸軍分兵銜

路要擊、取勝必矣、且駐別軍于東寺、聞內野

之戰合、追躡其後、夾擊之、亦萬勝之術也、義

滿從之、明日出陣於詮範掘川第、分遣細川

賴之、細川賴元、大内義弘、赤松義則、畠山基國等兵八千、陣於内野神祇官等處、今川泰範、佐佐木滿高兵八百、陣於東寺、明德醫坂記士佛獻藥、問之名、曰必勝、散、義滿大悅、李瓊日錄明旦山名氏清先鋒至太宮、大内義弘與戰、敗之、斬其將山名義數等、聞敵大軍續進、馳還請救、義滿與之佩刀、勗其力戰、遣赤松義則助之、細川賴之、畠山基國、與山名滿幸戰于内野、不利、義滿乃率麾下兵三千赴救、擊

走之、氏清又率兵二千入太宮、兵勢甚銳、義滿遣一色詮範援義弘、及戰酣、乃親督麾下鼓譟而進、敵兵望義滿旗、大潰而走、詮範遂獲氏清、斬之、獻其首、義滿指曰、天誅不容、卿等視謀逆者、竟何如、後設法會於内野、弔死事者、併祭氏清、聞者嘆異焉、明年春論功行賞、分配其所管十國、授山城于畠山基國、丹波于細川賴元、美作于赤松義則、和泉紀伊于大内義弘、但馬于山名時熙、伯耆于山名

大日本史 卷一百八十六 川傳 七

氏之隱岐出雲于佐佐木高詮、一色詮範功

最大、以若狹今富莊租賦最多、特授之、尋遣

義弘攻山名義理於紀伊、義理棄城而遁、山

名滿幸亦逃走、明德記命足利氏滿併領陸奥

出羽、喜連川系圖○三月細川賴之死、義滿

素服、芒鞋竹杖、親往送喪、明德記素服芒鞋

秋供養相國寺、後小松帝敕準御齋會、相國寺供

養記足山名族既滅、無或強梗拒命者、明德記

冬使大内義弘講和于吉野、後龜山帝許之、

應永記乃幸京師、傳三神器於後小松帝、續神皇正

統記東寺長者自尊氏奉立光明院、易世五

主、歷五十有七年、至是南北混一矣、是歲冬

復任左大臣、明德四年秋賜兵仗、尋辭左大

臣、公卿補任冬辭征夷大將軍、足利家傳是歲罷細川

賴元、又以斯波義將為管領、尊卑分脈應永元年

秋相國寺火、再造之、和漢合符冬拜太政大臣、公卿

補任足天下稱曰公方、難太平記二年夏帝

幸室町第、足利家傳辭太政大臣、剔髮號天山道

大日本史 卷一百八十六 川傳

義公卿補任三年秋如延曆寺儀擬御幸足利

家傳四年因藤原公經西園寺遺址構別莊於

北山使諸國守護助役窮極土木作三層閣

得板方一丈為承塵床壁柱戶悉金塗斯波

義將時薙髮歸佛乘視之謂義滿曰真是西

方極樂界既成徙居之使子義持居室町第

參取北山行幸記足利家傳卧雲日件錄椿葉記文祿清談是歲遣大內

義弘於筑紫擊少貳菊池千葉大村等平之

應永五年罷斯波義將尊卑分脈以畠山基國為

管領尊卑分脈六年冬大內義弘叛以兵據

和泉界浦土岐詮直起于尾張京極某起于

近江山名時清起于丹波皆應之義滿遣使

招義弘又命僧中津往諭義弘不從義滿曰


彼耀兵威三十餘年皆我力也如山名氏清

我既滅之義弘雖彊一旦叛我何能為也乃

親出軍男山遣畠山基國斯波義將細川賴

元賴元據喜連川糸圖將兵三萬攻克之斬義弘遣兵

擊詮直餘黨悉潰時足利滿兼與義弘協謀



欲東西並舉攻京師出陣武藏國府宣言為

義滿聲援七年義滿授滿兼以足利莊滿兼

乃罷兵喜連川系圖參取應永記八年先是義滿遣僧祖

阿商人肥富示明國通好文中中明主三遣

僧來求通商交市且請禁姦民擾邊自是信

使不絕善隣國寶記十二年罷畠山基國以斯波

義重為管領尊卑分脈十五年春帝幸北山別墅

義滿著衲衣手念珠攜幼子義嗣出迎義嗣

班關白藤原經嗣上參取北山行幸記足利家傳椿葉記五月

薨年五十五稱鹿苑院足利家傳鹿苑院薨葬記詔贈

號太上皇義持辭不受尊卑分脈尊氏義詮為治

寬不戢下諸功臣驕恣動輒叛亂義滿襲職

脩飾軍政紀綱大振山名大内二族相繼誅

滅倔彊之徒悉屏息焉參取太平記應永記明德記細川賴之記

喜連川系圖難太平記義滿以成茂生人謂其本命字

偕從茂所以武能靖亂也自甫嗣細川賴之

多薦老成士如斯波義將常隨事諷諭多所

矯拂其定禍亂廣土疆以隆足利氏之業者

大相本史卷之六十六終

左右匡正之功最為多矣然中歲驕侈行多

不法政令任意諸將亦懷怨焉卧雲日集難太

平尊氏之時凡行事皆用源賴朝制至義滿

其法益備云花營三代子義持嗣次義嗣次

義教次僧周喜次義承義昭法尊持圓尊滿

餘皆為僧足利才山次內二次時繼相

實不用不前以引認益世傳殊廣亦高與源

大相本史卷之六十六終

大相本史卷之六十六終

